

1-5

東華錄

乾隆三十年十月重開

國史館於東華門內稍北

騏

以謗陋濫竿纂修天擬管

窺事憑珠記謹按館例凡

私家著述但考爵里不采

事實惟以

實錄紅本及各種官脩之

書爲主遇闕分列傳事蹟

及

朝章國典兵禮大政與列傳

有關於合者則以片紙錄之
以備遺忘信筆摘鈔逐年

編載祇期鱗次櫛比遂覺
縷析條分積之既久竟成

卷軸得若干卷云

卷四

湘源蔣長驥干之父謹識

海內名公

藏書

以

百

東華錄卷之一

湘源蔣襄驤王之父

我朝先世發祥於長白山。山高二百餘里。縣且千餘里。山上有潭。曰闕門。周八十里。鴨綠混同。愛渚。三江出焉。望氣者言其地將生聖人。統一諸國。山之東有布庫里山。山下有池。曰布尔瑚里。相傳有天女三。長恩固倫。次正固倫。季佛庫倫。浴於池。浴畢。有神鵲銜朱果置季女衣袂。季女吞之。遂有身。尋產一男。生而能言。休貌奇異。及長。母告之故。因命之曰天生汝。以定亂國。其以愛新覺羅爲姓。布庫里

雍順爲名母凌空去子乘小舸順流至河步登岸折柳枝
及野蒿爲坐具端跌其上其地有三姓爭雄長構兵仇殺
有取水者竒其狀貌歸告衆走問語以姓名且曰我天女
佛庫倫所生天命定汝等之亂衆驚曰天生聖人也昇歸
春爲主居長白山之東俄漠惠之野鄂多里城國號瀚洲
數傳遭國人叛族被戕幼子范察僅以身免遁於野國人
追之有鵲止其首追者以爲枯木因得脫又數傳至

肇祖原皇帝姓愛新覺羅氏

諱都督
孟持穆

居虎欄哈達山下赫

圖阿喇地有智畧計執先世仇人之後四十餘人半誅半

釋之盡復故地生子二長充善次褚冥充善生子三長安
羅次安義謨次錫寶齊篇古錫寶齊篇古生子一卽

興祖直黃帝

諱都督
滿福

生子六長德世庫次劉闡次索長阿

次卽

景祖翼皇帝

諱覺
昌安

次包卽阿次寶實德世庫居覺爾察地

劉闡居阿哈河洛地索長阿居河洛噶善地

景祖居祖基赫圖阿喇地與五城相距近者五里遠者二
十里包卽阿居尼麻喇地寶實居彰甲地六人各築城分
居稱爲寧古塔貝勒是爲六祖

景祖生子五長札敦巴圖魯次額爾袞次界堪次卽

顯祖宜皇帝

諱塔克世

次塔察篇古

顯祖嫡妃喜塔喇氏乃阿古都督女是爲

宣皇后生子三長卽

太祖高皇帝

諱努爾哈赤

稱爲聰睿貝勒生明嘉靖三十八年

己未孕十二月而生龍顏鳳目偉軀大耳聲若洪鐘十歲

時

宣皇后崩繼妃納喇氏撫育寡恩年十九俾分居孑產獨

薄後知其才德復厚予之

太祖辭不受時有碩色納者九子俱獷悍又有加虎生子
七躡捷多力能披甲躍九牛二族強凌諸路

景祖饒才智兼礼敦英勇破滅之盡收五領東蘇克蘇
河西二百里內諸部并有其地由此遂盛

太祖母弟曰舒爾哈齊雅爾哈齊繼母弟曰巴雅喇庶母
弟曰穆爾哈齊

癸未年

明萬曆十一年

滿洲蘇克蘇許河部圖倫城有尼堪外蘭

者陰搆明寧遠伯李成梁遣遼陽副將攻克沙濟城殺城
主阿亥章京復合兵攻古勒城城主阿太章京妻乃礼敦

巴圖魯之女

景祖聞警恐女孫被陷偕

顯祖往救先後入城欲携女孫歸阿太章京不肯成梁攻
城不克尼堪外蘭請往招撫給城中人以能殺阿太章京
來降者卽命爲城主城中人信之遂殺阿太章京以降成
梁誘城中人出盡屠之并害

二祖

太祖聞之大慟詰明邊吏明歸我

二祖喪與救三十道馬三十匹封龍虎將軍復給都督勅

書

太祖欲得尼堪外蘭明人不肯且曰當令爲滿洲國主國人信之皆歸尼堪外蘭同族寧古塔諸祖子孫亦欲害

太祖以歸之尼堪外蘭又迫

太祖往附

太祖思復仇以

顯祖遣甲十三副謀伐尼堪外蘭時年二十有五

甲申年五月

太祖往攻外蘭於圖倫城外蘭遁克其城時兵百人甲三

十副而已 六月德世庫劉闡索長阿寶實等子孫忌

太祖英武同謀害夜半潛至城緣梯而上

太祖覺之遁去 八月復往攻尼堪外蘭於申反外蘭遁

追之不及六祖寶實之子唐嘉興綽奇塔覺善同謀糾合

哈達國萬汗兵劫我所屬璦濟寨而去分所獲於中途兵

部將安寶揚古及巴遜率十二人追敗之殺四十人獲所

掠而還

是時滿洲別有五部曰蘇克蘇河曰渾河曰王甲曰董
鄂曰哲陳長白山二部曰訥殷曰鴨綠江東海三部曰渥

集瓦爾喀庫爾喀扈倫國四部曰烏喇哈達葉赫輝發各
主其地互相攻戰

丙戌年七月明人執尼堪外蘭付我斬之自此明歲輸銀
八百兩蟒緞十五匹通和好焉

丁亥年正月於碩里口虎欄哈達東南加哈河兩界中平
岡築城三層并建宮室 六月始定國政禁悖亂緝盜賊
法制以立歸附者益衆國勢日盛歲以我國珍異於撫順
清河寬奠豐陽四關口與明互市

辛卯年正月遣兵畧長白山之鴨綠江盡收其衆

癸巳年九月葉赫哈達烏喇輝發北嫩河蒙古科爾沁席
北部掛爾察部及滿洲長白山所屬朱舍里訥殷九姓之
國合兵三路來侵凡三萬人

太祖禦之於古勒山對黑濟格城結陣及戰葉赫貝勒布
寨直前衝入乘馬觸木而踣我兵吳談刺殺之敵兵遂亂
諸貝勒膽落棄衆奔潰擒烏喇貝勒布占泰斬級四千獲
馬三千匹甲千副自此遠近懾服

戊戌年哈達貝勒孟格布綠所居城北溪中流血

己亥年二月將蒙古字制爲國語創立滿文 滿洲初無

字命巴克什額爾德尼噶蓋以蒙古字改制國書一人以
難辭諭曰無難也以蒙古字合我國語音聯綴成句即可
因文見義遂定國書頒行傳布

九月征哈達擒其貝勒孟格布祿滅之盡服其屬城
辛丑年復編三百人爲一牛錄每牛錄設額真一先是
滿洲出兵校獵各隨族黨屯寨而行每人出一矢十矢領
以十長稱爲牛錄是年以練服者衆編三百人爲一牛錄
其長稱牛錄額真

癸卯年正月白虎欄哈達南岡移于祖居蘇克蘇河加